

tout ce que ie te diray ie lentes dire a ton hōneur 7 a tō prouffit et ay esperāce que tu le porteras en pacience 7 pource ie te fay scauoir que ton conseil a prouffit
premierement parler ne se doit pas dire cōseil mais vng fol esmouuemēt sans discrecion ou quel tu as erre en moult de manieres.

Premierement tu as erre en assembler ton conseil car au commencement tu deusses auoir appelle pou de gēs et puis apres plusieurs se besoing eut este mais tantost tu as appelle vne grant multitude de gens chargeuse 7 enuieuse. Apres tu as erre car tu deusses auoir appelle tant seulement tes loyaulx amis sages 7 anciens mais avec ceulx tu as appelle gēs estranges iouuencaulx folz 7 losengiers ennemis reconseillez gens qui te portent reuerence sans amour. Apres tu as erre quant tu es venu a conseil ensemble ire couoitise 7 hastiueté lesquelles troys choses sont contraires a conseil 7 ne les as pas abaissies en toy ne en ton conseil ainsi cōme tu deusses. Apres tu as erre car tu as demōstre a ton conseil la violēce 7 la grāt affection que tu hauiōies de faire guerre incontīnēt 7 de prendre tantost vengeance 7 pource ilz ont plus segu ta volente que ton prouffit. Apres tu as erre car tu as este content du conseil tant seulement 7 toutesuoiēs en si grant besoigne et en si haulte estoient bien necessaires plusieurs conseilz. Apres tu as erre car tu na pas segu la volēte de tes loyaulx amis sages 7 anciens mais as garde tāt seulement le plus grāt nombre 7 tu sces bien que les folz sont tousiours en plus grant nombre que les sages et pource le cōseil des chapitres 7 des grās multitudes de gens ou on garde plus le nombre que le merite des personnes erre souuēt car en tel conseil les folz lon tousiours gaignie.

Melibee respondit ie confesse bien que iay erre mais quāt tu mas dit dessus que fait a reprendre qui ne change son cōseil en moult de cas ie suis appareillez de le changier a ta volente car pechie est oeuvre de diable

Lors prudence dist examinōs tout ton conseil et veons lesquelz ont parle plus raysonnablemēt et donne meilleur conseil et pource que l'examinacion soit mieulx faicte commencons es cirrurgiens et es phisiciēs qui premier plerēt. Je dy dist elle que les cirrurgiens 7 les phisiciēs dirēt au cōseil ce quil deuoiet dire 7 parlerēt sagement car a leur office appartient a vngchascun prouffiter 7 nul nuire 7 selon leur art auoir grāt diligece de la cure de ceulx qī ōt en leur gouuernemēt ainsi cōme il ōt dit 7 respondu